



UPA 2015/45

Tillie Martinussen

5. maj 2015

Naalakkersuisut danskit naalagaaffiannik kiisalu danskit soraarnerussutisiaqalernissamut aningaasaateqarfiinik Kalaallit Nunaannut aningaasaliisarfimmik aningaasaateqarfiliortoqarnissaa namminersorlutik oqartussanut soqutiginaateqarnera pillugu apeqquteqaat aallaavigalugu oqallinnissamik siunnersuut. Aningaasaateqarfiliortoqarnissap anguniangarivaa siunissami inuusutissarsiornikkut suliassanut, ilaatigut aatsitassarsiornikkut, takornariaqarnermut, aalisarnermut, ataqatigiinnermullu aaqquissuussinermi suliassanut avataaniik aningaasaliisalernissaq.

(Inatsisartunut ilaasortaq Justus Hansen, Demokraatit)

Kikkut tamarmik isumaqatigiissutigaa aningaasarsiornikkut imaannaangitsunik suliassaqartugut - iluarsiniarlugit suleruluttariaqarpugut kisianni iluatsissinnaavarput.

Naammanngilarli sipaarnissaq iluarsartuussinissarlu - aamma aningaasaliisariaqarpugut nunatsinni ineriartorneq ingerlallualeqqullugu.

Demokraatini qularinngilarput nunat allamiut aningaasaliisinnaasut qammarnissaat pikkoriffiginerusariaqaripput aamma periarfissat umerusuppagut. Isumarput naapertorlugu nunat allamiut aningaasaliisinnissaat pisariaqarpoq akissaqassagutta soorlu attaveqarnermut, aatsitassarsiornermut, takornariartitsinermit ilaalu ilanngullugit.

Uani oqallinnermi oqallisigeqquneqarput ilumut Namminersorlutik Oqartussat soqutigineraat, Kalaallit Nunaanni Aningaasaliinermit aningaasaateqarfiliortoqarnissaa, assersuutigalugu danskit naalagaaffiata danskillu soraarnerussutisiaqalernissamut aningaasaateqarfiisa aningaasaleeqataaffigisassaanik. Demokraatini naatsumik paasiuminartumillu akissaagut: Aap, tamanna Namminersorlutik Oqartussat soqutigilluinnartariaqarfaat. Kisianni imaangilaq, naalagaaffik soraarnerussutisiaqalernissamullu aningaasaateqarfiit aningaasaleerusuttut.



Sualummik soraarnerussutisiaqalernissamut aningaasaateqarfinnut pingaaruteqarpoq ilaasortamik iluanaaruteqartinnissaat. Taamaattumik ilisimasariaqarparput soraarnerussutisiaqalernissamut aningaasaateqarfiit imaluunniit aningaasaliisartut allat nunatsinnut aningaasaleerusussammata aatsaat iluanaaruteqarsinnaagunik. Aamma ajunngilaq, kisianni isumaqarpugut tamatumunnga atatillugu pingaaruteqartoq, aningaasaliissutit ataasiakkaarlugit misissorneqartariaqartut takuniarlugu Namminersorlutik Oqartussanut akilersinnaanersoq aningaasanik taarsigassarsinissaq. Imaassanngilluinnarpormi immitsinnut salloqittassasugut. Aappaatigulli aamma imaalinnngisaannassaaq, qunussasugut nunat allamiut aningaasaliisartut ammaannissaannut.

Pingaarnerpaasariaqarpoq nunatta aningaasaliiffissatut pilerinarsarnissaa, ineriartortitsilerumalluta.

Demokraatini oqallinnermi ilanngukkusutagut tassaagallarput.